

KNI-mi siulersuisunut akissarsiaqartitsinermut ataatsimiititaliap suliassaasa allattorsimaffiat

1. Siunertaq

Akissarsiaqartitsinermut ataatsimiititaliap siulersuisunit pilersinneqarpoq. Siulersuisut akissarsiaqartitsinermut ataatsimiititaliamut oqartussaasuvoq.

Ataatsimiititaliap akissarsiaqartitsinermut politikki akissarsitsinerillu pillugit, siulersuisunut siunnersuutiniq suliaqartarput. Soorluttaaq suliffeqarfiit pigisaat ataatsimiititaliap suliaanut ilaasut.

Ataatsimiititaliap suliaasa siunertaraat:

- KNI-p akissarsiaqartitsinermut politikkia nalilersussallugu,
- akissarsiaqartitsinermut politikki aqqissussallugu naleqquttumillu atuutsinneqarnersut qulakkiissallugu,
- akissarsiaqartitsinermut politikki akissarsitsinermullu pilersarusiat malillugit ingerlanneqarnersooq kiisalu periusissiamut iluaqutaanissaat qulakkiissallugit,
- pisortaanerup naleqquttumik akissarsiaqarnissaa aamma akissarsiai niuernermi piumasaqaatinut naleqquttuunissaat qulakkiissallugu kiisalu Kalaallit Nunaanni Namminersorlutik Oqartussanit tamakkiisumik pigineqarnerput eqqarsaatigalugu aqutsisut sinnerisa akissarsiaqartitsinermut politikki malillugu akissaateqartinneqarnissaat ilanngullugu,
- akissarsiat ukiumoortumik nalunaarusiami paasissutissat eqqortuuneri, ersarissuuneri tamakkiisumillu nalunaarutigineqarsimanerat nakkutigalugu,
- qullersaqarfimmi aqutsisut aqutsinermi iluatsittumik ingerlatsinersut nakkutigissallugu.

2. Ataatsimiititaliap katitigaanera

Akissarsiaqartitsinermut ataatsimiititaliap pingasunik ilaasortaqaassaaq. Ilaasortaasussat ataatsimeersuareernerup kingorna ukioq ataaseq ilaasortaasussat siulersuisunut toqqarneqartassapput. Siulersuisut siulittaasuat aamma siulittaasup tullia akissarsiaqartitsinermut ataatsimiititaliami ilaasortaasassapput kiisalu siulersuisuni ilaasortaqaataaseq ataatsimiititaliami aamma ilaasortaasassalluni.

Ataatsimiititaliap ilaasortai imak katitigaassapput KNI-p akissarsiaqartitsinernut aammalu akissarsiaqartitsinermut politikki suliffimmilu suleriaatsinik pioreersunik piginnaasaqarlualutik pitsaasumillu nalilersuisinnaasuussallutik.

Siulersuisuni ilaasortaqaataasortaanerminut tunuaruni akissarsiaqartitsinermut ataatsimiititaliami aamma ilaasortaajunnaassaaq. Ataatsimiititaliamut sinniisussamik ataatsimik toqqaasoqassaaq.

3. Ataatsimiititaliamut ataatsimiigiaqqusissutit

Ataatsimiititaliap siulittaasua ataatsimiigiaqqusisassaaq. Ataatsimiititaliami ilaasortaqaata arlaalluunniit ataatsimiit-toqarnissaanik piumasaqarsinnaavoq.

Ukiumut ikinnerpaamik sisamariarluni kiisalu pisariaqartitsineq naapertorlugu ataatsimiittoqartassaaq.

Ataatsimiititaliami ilaasortanit imaluunniit siulersuisuni ilassasortamut siunnersuutit akissarsiaqartitsinermut tungasut ataatsimiititaliami oqaluuserineqartassapput. Ataatsimiititaliap imaqarniliortussaata ullormut ataatsimiin-nermi oqaluuserisassat siulittaasooq peqatigalugu suliarisassavai, taannalu ataatsimiinnerup pinginnerani nassiunneqareertassaaq.

Pisortaarneq imaluunniit sulisoqarnermut pisortaqaata akissarsiaqartitsinermut ataatsimiititaliap ataatsimiinnerinut peqataatinneqassanersut ataatsimiititaliap nalilersortassavaa.

4. Ataatsimiinnerit

Siulittaasup ataatsimiinnerit aquttassavai. Akissarsiaqartitsinermut ataatsimiitsitaliaq nalinginnaasumik nammineq aalajangiinnaatitaangilaq, kisiannili siulersuisut tamarmik aalajangiiffigisassaannik piareersaasartussaavoq. Matumalli kingorna immikkoortotap 7g-imiittut kingorna aalajangigassat pinnagit. Siulersuisunut inassuteqaatissat sinneri suussanersut ataatsimiititaliap aalajangiiffigisassavai.

Ataatsimiitsitaliap ataatsimiinneri imaqarniliorneqartassapput. Imaqarniliortussaq imaqarniliortassaaq, ajornanngikkaangallu ataatsimiitsitaliap ilaasortaasa tamarmik atsiortassavaat. Atsiortoqarnissaata tungaanut allakkatigut akuersineq akuerineqassaaq. Tamanna tunngaveqarpoq ilaasortat sumiiffinni assigiinngitsuni najugaqarnerinik (Kalaallit Nunaat/Danmark/nunat allat). Malittarisassat siulersuisunut ilaasortanut atuuttut ataatsimiititaliamut aamma atuupput, tamatumani allanut oqaatigineqartussaannngitsunut tunngatillugu siulersuisut suleriaasiat ilanngullugu.

Ataatsimiitsitaliap ataatsimiinnerani oqaluuserineqartut imaqarniliallu toqqortaatigineqarnissaat KNI-p qulakkeertassavaa.

5. Siulersuisunut nalunaaruteqarneq

Siulersuisut ataatsimiinnerini ataatsimiititaliami suut oqaluuserineqarsimanersut kiisalu siulersuisunut akuersias-sanngorlugit ataatsimiititaliap inassuteqaatai akissarsiaqartitsinermut ataatsimiititaliap siulersuisunut ilisimatitsis-sutigisassavai.

Akissarsiaqartitsinermut ataatsimiititaliap ataatsimiinneranit imaqarniliat kingullit siulersuisut ataatsimiinnissaan-nut atugassanut ilanngullugit nassiuttassavaat, paasisutissalli inunntu tunngassuteqarluinnartut pinnagit.

6. Suliassanik agguataarininneq

Akissarsiaqartitsinermut ataatsimiitsitaliap ilaasortaasa suliffeqarfiup iluani siunnersorneqarnissartik ikiorneqarnissartililu periarfissaraat, ilaatigut avataaneersunit inatsisitigut imaluunniit allatigut siunnersorneqarnissaq periarfissaalluni. Avataaniit siunnersortittoqassappat taava KNI-p siunnersortitit atortagai atorneqassanngillat.

7. Suliassat

Akissarsiaqartitsinermi ataatsimiitsitaliap ilaatigut makku akisussaaffigai:

- a) Akissarsiaqartitsinermut politikki nalilersussallugu siulersuisunullu akuersiasannngortissallugu.
- b) KNI-mi akissarsiaqartitsineq nalinginnaasumik malinnaavigissallugu kiisalu sulisut ilaasa akissarsiaat ukiumoortumik misissussallugit, tamatumunnga ataasiartumik akissarsisitsinerit ilanngullugit.
- c) Akissarsiassanik naliliineq tunngavissanillu inassuteqarneq kiisalu pisortaasut bonusiaqartinneqarsinnaanerat kiisalu sulisunut ataasiartumik akissarsisitsinerit ilanngullugit.
- d) Qullersaqarfiup akissarsiassaanut tunngatillugu nalilersuinissaq innersuusiornissarlu (akissarsiat, angusallu tunngavigalugit akissarsisitsisoqassappat kiisalu atorfinitsitaanermi atugassarititaasut).
- e) Siulersuisunut ilaasortat akissarsiassaannik nalilersuineq inassuteqaasiernerlu, tamatumani ilanngullugit siulersuisut suliakkiutigisimasinnaasaannut akissarsiassat kiisalu ataatsimiititaliat siulersuisut pilersitaasa suliagarnerinut akissarsiassat. (Kukkunersuineri ataatsimiitsitaliaq il.il.)
- f) Akissarsiaqartitsinermut politikki eqquutsinneqarneris pillugu nalunaarutigineqartut tigusarlugillu nalilersortassavai kiisalu akissarsiat pillugit ukiumoortumik nalunaarummi paasisutissiissutigineqartut eqqortuunersut, ersarissuunersut tamakkiisuunersullu nakkutigissallugit.
- g) KNI-mi sulisunut akissarsiaqartitsinissamut politikki atuuttumiit allaanerusumik atorfinitsitaanermi atugassaartitsisoqassappat tamanna akissarsiaqartitsinermut ataatsimiititaliap akuereqqaassavaa.

8. Akissarsiaqartitsineq

Akissarsiaqartitsinermi ataatsimiitsitaliami ilaasortat ataatsimiititaliami ilaasortatut suliagarnermi immikkut akissarsiaqartinneqassapput.

9. Suliassat tunngaviannik allannguiq

Sulissat tunngaviat siulersuisut ukiumut ataasiarlutik nalilersortassavaat, allannguutissanillu siunnersuuteqas-sagunik siunnersuutitik siulersuisunut saqqummiuttassallugit.

Suliassat tunngavianni allannguisoqassappat tamanna siulersuisunit amerlanerussuteqarlutik akuersippata pissaaq.

Akissarsiaqartitsinermut
ataatsimiitsitaliaq
ataatsimiititaliaq

december 2022

.....
Annette Sadolin
Siulittaasoq

.....
Tønnes Berthelsen

.....
Inger Eriksen